



novitats

per abunents ed abunentas dal newsletter

nossas novitats - il newsletter regular
cun novas davart eveniments, occurrenzas, ediziuns e nosa lavur

Allegra stimedia commembra

I'l terz newsletter da l'an 2024 infurmainsa dals seguaints cuntgnieus:

- Revista radunanza generela 2024
- Poetry Slam Ladin
- Festa da giubileum
- Chesin Manella in vacanzas
- Annunzcha newsletter linguistic

Revista radunanza generela 2024

Als 20 avrigl ho gieu lö nosa radunanza generela. Que ho do bunas discussiuns e la suprastanza ho clappo il dis-charg dals commembers per la lavur prasteda. Inavaunt es la suprastanza gnida complettada cun duos novs commemebers:

Carmen Baumann:

Zieva mi'infanzia e giuventüna a Champfêr, d'heja absolt il stüdi da litteratura e linguistica rumauntscha ed inglesa a l'universited da Turich. Zieva'l stüdi d'heja lavuro ses ans per la "Südoschweiz" a Cuir, il prüm scu redactura tal radio e zieva scu moderatura e redactura tar la televisiun. Daspö lügl passo suni darcho inavous in Engiadina e lavur tar San Murezzan Turissem scu Content Manager.

Jon Duri Pult:

Eu sun urind da Ftan e stun cun mia famiglia a Samedan. Davo il giarsunadi da comerzi a Zuoz suna stat tschinch ons a Turich per lavur e scolaziun. Daspö il 2016 suna darcho in patria e lavur sco fiduziari a San Murezzan. Eu m'allegro da m'ingaschar illa suprastanza da l'UdG per nosa lingua.

Ils detagls da la radunanza generela paun gnir lets i'l protocol chi vain publicho i'ls prossems dis sün nosa pagina d'internet. Nus ans allegrains impustüt sün nos futurs progets scu la festa da giubileum quista sted, ils poetry slams, la bellas ediziuns ed il proget "Chesin Manella".

Fotografia (da schnestra):

Jon Duri Pult, Fadrina Hofmann, Carmen Baumann, Victoria Mosca, Gianna Duschletta



Poetry Slam Ladin

Il seguond Poetry Slam Ladin 2024 sto davaunt porta!

La battosta poetica ho lö als **25 meg illa Stüva a Scuol**, inua cha slammeders e slammedras novs e fras-chs cumbattan per la bun'iva da [Mia Iva](#).


Las portas evran a las 19:30, il slam cumainza a las 20:00. Nus ans allegrains!

Entreda libra, collecta.

Auncha mé udieu da poetry slam? Suot [quist link](#) as chatta ün pitschen video cun ün pèr impreschiuns da la battosta finela dal 2023.



Festa da giubileum



L'Uniun dals Grischs ho anniversari!

Per festager il 120evel anniversari da l'Uniun dals Grischs invidainsa a nosa tschaina da giubileum. Ella ho lö als **13 lügl 2024 a Nairs**. L'aperitiv cumainza a las 17.00, zieva es il büffè da tschaina aviert.

Scu punct culminant da la festa cumainza a las **20.00 il concert da Cinzia Regensburger**.

La tschaina es gratuita per commembers e commembras da l'Uniun dals Grischs. Per na-commembers e na-commembras cuosta la tschaina 30.- chi sun da pajer güst al lö. Il concert cuosta alura per tuots 25.- chi sun da pajer güst al lö.

Que do eir la pussibilitad da [pernotter i'l hotel](#).

Nus ans allegrains da survgnir voss'annunzcha sur il formular suotvart e da pudair festager il giubileum in bella cumpagnia.

[Annunzcha per la tschaina da giubileum](#)

Vacanzas i'l Chesin Manella

Il Chesin es serro dūrant il temp dals 27 meg fin als 2 gūn. Grazcha per l'incletta e bellas vacanzas!

Annunzcha newsletter linguistic

La cumischiun linguistica respunsabla per ils dicziunaris da l'Uniun dals Grischs as raduna regularmaing per decider davart temas linguistics. Decisiuns vegnan comunicadas a las instituziuns pertocchadas per ch'ellas vegnan eir applicadas e respettadas.

In avegnir infuorma la cumischiun linguistica sur da decisiuns tras ün newsletter separà. A persunas chi han regularmaing da chefar cul rumantsch racumandaina perquai dad abbonar il newsletter linguistic cun [quist link](#).

Dumondas e propostas a man da la cumischiun as poja inoltrar sur [quist formular](#).

Actualiteds

Infurmaziuns actuelas davart occurrenzas publichainsa regularmaing sün nosa [pagina d'internet](#) u sùls [chanels da medias socialas](#).

Restar infuormà sur noss chanals da medias socialas e sülla pagina d'internet:

